



UNIVERSITÄTS-
BIBLIOTHEK
PADERBORN

Universitätsbibliothek Paderborn

Antonii Bynaei de Calceis Hebraeorum Libri Duo

Bynaeus, Anthony

Dordraci, 1682

Balduini opinio, Adamum primum sutorem, imo ipsum Deum fuisse.

urn:nbn:de:hbz:466:1-12835

spinarum injuria. Etenim, quod
 omni animantium generi est à natura
 tributum, ut se, vitam, corpus-
 que tueantur, id in humano genere
 præcipue cernitur, quod etiam de
 calceis sibi prospexit, ne tribulis
 atque spinis pedum plantæ lancina-
 rentur. Battum in Theocriti pasto-
 ribus amicus monet :

Εἰς ὄρε' ὄκχ' ἔρπει, μὴ ἀνάλιπος ἔρχοι,
 Βάττε.

Ἐν γὰρ ὄρει ράμνοι τε, καὶ ἀστυπέλαδοι
 κημόωντι.

*In monte cum ambulas, ne discalcea-
 tus eas, Batte: in monte enim rubi
 atque aspalathi frondent.* Scitum
 etiam apud Thalmudicos est pro-
 verbium: כּוּבַּ שׁוּרְךָ בְּרַגְלֵךָ אֶלְטֵךָ שׁוּרְךָ
dum calceus est in pede conculca spinas.

Ialkut in
 Leg. fol.
 279. 1.

II. Hoc inventum cui debea-
 tur, non adeo certum atque explo-
 ratum est; imo, si veterum monu-
 menta consulimus, penitus incog-
 nitum. Benedictus Balduinus Am-
 brianus, qui librum eruditum &
 elegantem scripsit de Calceo Anti-
 quo, putat nihilominus lucem ali-
 quam posse nos assequi, si conjectu-
 ram ducem sequi velimus, quæ

Bald. de
 Calc. Ant.
 cap. 1.

4 DE CALCEIS HEBRÆOR.

licet in multis plerumque fallax, nos indubio pede ad Adami protoparentis nostri tempora deducet. Conjicit videlicet, cum post admissum ab ipso primo parente peccatum, justus peccati vindex Deus, in eum verba illa efficaci voce distringeret: *Maledicta terra spinas & tribulos germinabit tibi*: non videri passum Adamum teneras pedum plantas spinis & tribulis misere lacerari, diffindi, discerpique nullo suppetente remedio: sed eam mentem, quæ illi primum post vetiti fructus esum consuendorum è frum cum foliis perizomatum rationem suggererat, quo pudendorum velaret turpitudinem, etiam illam artem edocuisse, qua sibi uxori quæ suæ calceos è cæsorum animalium pellibus, apte commodeque confarcinaret: præsertim cum ipse Deus exemplo præiret, qui *Fecit Adæ & uxori ejus tunicas pelliceas & induit eos*, uti inquit in sacra pagina Moses: unde Adamus, hoc edoctus exemplo, eadem ratione, pedum nuditati consuluit. Quia Deum ipsum revult primum & proprium calcei in authorem agno-

Gen. 3.
vs 18. &
19.

Gen. 3.
vs. 21.

LIBER PRIMUS. 5

agnoscere, qui sicut Adamo atque uxori ejus tunicas pelliceas fecit, cum nuditati ipsorum voluerit esse consultum, ut non est parcus, aut imprudens, aut invidus, aut inops bonorum largitor, ita etiam censendus est illi calceos eadem ratione consuisse, quo in necessariis ad vitam comparandis, minaces spinarum tribulorumque aculeos tutius evitaret.

III. Hæc quidem ingeniose doctissimus Balduinus conjecit; non tamen solida videtur ipsius ratio. Adamum, ut nuditati confuleret, folia ficuum consuisse, ac deinde Deum tunicas pelliceas fecisse non tantum ipsi, verum etiam ejus uxori, indubium plane est, quæ prima vestium origo fuit. Exinde vero concludi haudquam potest, eandem mentem Adamo dictasse calceos confarcinare, quæ ipsum docuit tegendæ nuditati folia consuere, quæque observavit Dei exemplum, qui tunicas fecit pelliceas: aut eadem ratione Deum Adamo calceos consuisse, ut evitaret spinarum tribulorumque aculeos, qua ipsi prospexit de tunicis